

<b>ADRODDIAD I'R:</b>	Pwyllgor Trwyddedu
<b>DYDDIAD:</b>	5 Mawrth 2019
<b>SWYDDOG ARWEINIOL:</b>	Pennaeth Cynllunio a Gwarchod y Cyhoedd
<b>SWYDDOG CYSWLLT:</b>	Uwch Swyddog Technegol (Trwyddedu) <a href="mailto:trwyddedu@sirddinbych.gov.uk">trwyddedu@sirddinbych.gov.uk</a> 01824 706433
<b>TESTUN:</b>	Polisi Eithrio Plât Cerbyd Hurio Preifat Arfaethedig

## 1. PWRPAS YR ADRODDIAD

- 1.2 I gyflwyno Polisi Eithrio Plât Cerbyd Hurio Preifat i'r aelodau ei ystyried, a fydd yn galluogi'r Cyngor i wneud penderfyniadau tryloyw ynghylch pa gerbydau y dylid eu hystyried i gael eu heithrio.

## 2. CRYNODEB GWEITHREDOL

- 2.1 Yn ôl y ddeddf, mae'n rhaid i'r Cyngor roi plât neu ddisg adnabod i gerbyd hurio preifat ac ni ddylai'r perchennog ddefnyddio, neu ganiatáu'r cerbyd i gael ei ddefnyddio heb arddangos y plât fel y cyfarwyddwyd gan y Cyngor. Fodd bynnag, mae'r Ddeddf yn rhoi disgrisiwn i'r Cyngor benderfynu eithrio'r perchennog rhag arddangos y plât trwydded.
- 2.2 Nid oes gan y Cyngor Bolisi i ystyried ceisiadau i eithrio arddangos plât ar hyn o bryd, felly mae'n rhaid i unrhyw gais ddod ger bron Aelodau'r Pwyllgor hwn.

## 3. PŴER I WNEUD Y PENDERFYNIAD

- 3.1 Adran 75(3) Deddf Llywodraeth Leol (Darpariaethau Amrywiol) 1976.

## 4. GWYBODAETH GEFNDIROL

- 4.1 Mae arddangos platiau adnabod allanol ar Gerbyd Hurio Preifat trwyddedig a gwisgo bathodyn adnabod gyrrwr yn bwysig o ran diogelwch a sicrwydd y cyhoedd. Maent yn nodi i'r cyhoedd fod y cerbyd a'r gyrrwr wedi'u cymeradwyo ac felly wedi bod yn destun nifer o wiriadau

pwysig cyn rhoi'r drwydded.

4.2 Serch hynny, mae yna nifer fechan o achlysuron pan y gallai arddangos platiau adnabod allanol gael goblygiadau ar fasnach a diogelwch y cyhoedd, e.e. diogelwch ar gyfer urddasolion a phobl enwog.

4.3 Gallai arddangos platiau adnabod yn allanol atal rhai cwsmeriaid corfforaethol rhag defnyddio'r gwasanaeth.

4.4 Y drefn bresennol i eithrio plât rhag cael ei arddangos yw bod rhaid i'r Gweithredwr gyflwyno cais ffurfiol manwl, a chaiff adroddiad ei roi ger bron Aelodau'r Pwyllgor hwn iddynt ei ystyried. Mewn rhai amgylchiadau, gall ceisiadau gymryd hyd at dri mis cyn cael eu rhoi gerbron y Pwyllgor, oherwydd cyfyngiadau amserlen y Pwyllgor.

4.5 Ni fwriedir i holl gerbydau Hurio Preifat a drwyddedir gan y Cyngor gael eu heithrio o ofynion y Cyngor i arddangos plât adnabod allanol, fodd bynnag, mae'r Cyngor yn cydnabod y bo rhai amgylchiadau lle y byddai'n briodol i gerbydau sy'n gweithredu'r math hwn o wasanaeth gael eu hystyried yn addas ar gyfer eithriad o'r fath.

4.6 Mae ymchwil wedi dangos bod Cynghorau sydd yn ystyried eithrio platiau yn gwneud hynny ar gyfer cerbydau unigol yn unig ac nid ar gyfer fflyd o geir, ac nid ydynt yn ystyried y ffactorau canlynol:

- Gwneuthuriad a model y cerbyd;
- Y math o waith y mae'r cerbyd trwyddedig yn ei wneud
- Sut mae'r gwaith yn wahanol iawn i waith cerbydau hurio preifat arferol
- Y math o gwsmer
- Nifer y siwrneiau hurio preifat rheolaidd y mae'r cerbyd yn eu gwneud
- Hanes perthnasol am yr ymgeisydd, o ran torri amodau neu ddeddfau
- Nid yw cost cerbyd yn rheswm digonol am wneud cais i gael ei eithrio
- Rhaid i gerbydau gyrraedd safon uchel

4.7 Wrth lunio'r Polisi, nid yw'r Swyddogion wedi darparu rhestr benodol o gerbydau sy'n cael eu hystyried yn addas i gael eu heithrio, ond yn hytrach, maent wedi darparu rhestr fynegol nad yw'n gynhwysfawr.

4.8 Bydd y Polisi arfaethedig yn rhoi canllawiau i ymgeiswyr posibl am y safonau cerbyd y mae'r Cyngor yn ystyried yn rhai a ddylai fod yn safon ofynnol ar gyfer cyfforddusrwydd a'r math o gerbyd cyn i'r Cyngor

ystyried cais o'r fath.

- 4.9 Os ydi Aelodau o blaid mabwysiadu'r polisi, bydd yn rhoi gwybod i'n deiliaid trwydded a chwsmeriaid o ddisgwyliadau'r Cyngor a bydd yn sefydlu amodau mewn cysylltiad ag eithriad o'r fath. Yn ogystal, trwy gyflwyno ffurflen gais a Hysbysiad Eithriad, bydd yn sicrhau bod y ceisiadau yma'n cael eu cofnodi'n ffurfiol.

## **YMGYNGHORI**

- 5.
- 5.1 Os bydd Aelodau o blaid cefnogi'r Polisi Eithrio Cerbyd Plât Hurio Preifat arfaethedig, bydd proses ymgynghori yn dechrau gyda phob Deiliad Trwydded. Gofynnodd Aelodau bod adroddiad pellach yn cael ei gyflwyno i'r Pwyllgor Trwyddedu pe ceid gwrthwynebiadau, er mwyn galluogi i Aelodau ystyried ymatebion. Fodd bynnag, os na dderbynnir gwrthwynebiadau, cynigir bod Aelodau'n cymeradwyo mabwysiadu'r polisi.

## **6. ARGYMHELLION**

- 6.1 Bod aelodau'n ystyried cefnogi'r Polisi Eithrio Plât Cerbydau Hurio Preifat, fel y manylir yn Atodiad A, ac wrth wneud hynny, yn awdurdodi Swyddogion i gychwyn ar broses ymgynghori ffurfiol.
- 6.2 Ar ôl ymgynghori, bod Swyddogion yn:
- i. Rhoi gwybod i'r Pwyllgor Trwyddedu am unrhyw wrthwynebiadau iddynt eu hystyried a chymeradwyo'r Polisi arfaethedig newydd.
  - ii. Os na cheir ymatebion, bod Aelodau yn cymeradwyo i fabwysiadu'r Polisi Eithrio Plât Cerbydau Hurio Preifat yn weithredol, o 1 Mehefin 2019.